

**CONSELLO NACIONAL DE CCOO DE GALICIA
2 DE XUÑO DE 2026**

**REGULAMENTO PARA A ELECCIÓN DA COBERTURA DE VACANTE NA DELEGACIÓN DO
S.N. DE CCOO DE GALICIA AO CONSELLO CONFEDERAL DA CS DE CCOO**

A Comisión Executiva Nacional, reunida o 2 de xuño de 2026, aprobou fixar a data da convocatoria do Consello Nacional para o próximo 26 de xuño de 2026. Na orde do día desta reunión, entre outros puntos, inclúese: **Substitución vacante na delegación do S.N. de CCOO de Galicia ao Consejo Confederal.**

Lémbrese que esta delegación, conformada por 4 persoas por cotizacións, incluída a secretaria xeral que é nata no dito Consejo Confederal, está composta neste momento por: Amelia Pérez Álvarez, secretaria xeral. Maica Bouza Seoane, secretaria de Organización e Isaac Vidal Otero pola U.I. de Santiago Barbanza.

Por este motivo e a efectos de cumprir a proporcionalidade de cada un dos sexos, cómpre a elección dun delegado.

DESENVOLVEMENTO DA ELECCIÓN:

O Consello comezará ás 10:00 h. en primeira convocatoria ou ás 10:15 horas en segunda.

As acreditacións das persoas membros serán a partir das 10:00 horas.

A Mesa do Consello conformarase segundo o Regulamento de funcionamento.

Ás 12 horas, independentemente de que a presidencia ampliara a hora de peche das acreditacións, anunciarase o inicio do prazo de presentación de candidaturas para a elección DO COMPAÑEIRO QUE CUBRIRÁ A VACANTE NA DELEGACIÓN DO S.N. DE CCOO DE GALICIA AO CONSEJO CONFEDERAL e o número de avais necesarios que requirirán as candidaturas que se presenten, debendo ser estes o 10% das persoas conselleiras acreditadas asistentes, de conformidade ao artigo 10.4.b) dos Estatutos do Sindicato Nacional.

As persoas conselleiras acreditadas poderán avalar só unha candidatura das presentadas para o ámbito de elección.

O prazo de presentación de candidaturas ante a Presidencia do Consello, será ata as 13:00 horas.

As candidaturas deberán presentarse cos avais necesarios e deben cumprir os seguintes REQUISITOS:

1. Persoas afiliadas ao corrente de pagamento.
2. ANTIGÜIDADE: para poder formar parte do CONSEJO CONFEDERAL requírese unha antigüidade mínima de 6 meses na afiliación a CCOO, de conformidade co artigo 11 dos Estatutos Confederais e o 10 dos Estatutos do Sindicato Nacional.
3. ACEPTACIÓN DE CANDIDATURAS: a aceptación das candidaturas debe ser indubitada, conforme as normas e estatutos confederais. Non se require aportar fotocopia do documento que acredite a identidade nas candidaturas de persoas que estean acreditadas no Consello.



Ao remate do prazo de presentación de candidaturas, unha vez verificadas pola Comisión Técnica, designada ao efecto pola Comisión Executiva Nacional e composta polas compañeiras Sylvia Segade García e Ana José Peña Dopazo, a Presidencia do Consello proclamará as candidaturas que cumpran os requisitos e poderá realizarse unha intervención en defensa de cada unha delas.

Logo de rematar as posibles intervencións, a Presidencia, logo de conceder un tempo para que a Comisión Técnica elabore as papeletas de votación, someterá a votación asegurándose o sufraxio libre e secreto de cada conselleiro e conselleira segundo os Estatutos Confederais.

Posteriormente realizarán o escrutinio as persoas da Mesa do Consello.

As reclamacións sobre o proceso electivo poderán presentarse ante a CIN Confederal no prazo de dous días hábiles. (cinconfederal@ccoo.es)

As resolucións da CIN Confederal son definitivas e executivas.

Ante calquera circunstancia non prevista neste regulamento, a Mesa Presidencial adoptará as medidas máis convenientes, incluída a adecuación de horario, para o bo desenvolvemento do Consello.

Xúntanse en anexo, o modelo de aceptación de candidatura e de recollida de avais.